

# Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 10-may, shanba № 36 (15778)

## ТИНЧЛИК ВА АҲИЛЛИК — МАМЛАКАТИМИЗ ТАРАҚҚИЁТИ ВА ХАЛҚИМИЗ ФАРОВОНЛИГИНИНГ АСОСИДИР

Президентимиз Ислоҳ Каримов ташаббуси билан 9 май — Хотира ва қадрлаш куни мамлакатимизда умумхалқ байрами сифатида кенг нишонланмоқда

Инсон хотираси муқаддас, қадр-қиммати азиз ва муътабардир. Давлатимиз раҳбари ташаббуси билан мамлакатимизда кенг нишонланаётган Хотира ва қадрлаш куни мазмун-моҳиятида ана шундай инсонпарвар таъйинлар ўз ифодасини топган.

Бу сана урушларда қурбон бўлган миллионлаб юртдошларимиз хотирасига таъзим қиладиган, бугун сафларимизда юрган, осмонимиз мусаффолиги, юртимиз равнақи йўлида хизмат қилган нурунийларга юксак ҳурмат-эҳтиром кўрсатиладиган эзгу маросимдир.

Бундай кунларда бугунги тинч ва осуда ҳаёт, мусаффо осмон, тўкинлик ва фаровонликка қандай оғир йўқотишлар, синов ва машаққатлар эвазига эришилгани хаёлимиздан ўтади. Бизга насиб этган мустақиллик, тинчлик ва осойишталикнинг аҳамиятини теранроқ англаймиз.

Президентимиз Ислоҳ Каримовнинг 2014 йил 18 апрелда қабул қилинган «Иккинчи жаҳон уруши қатнашчиларини рағбатлантириш тўғрисида»ги фармони урушда ҳалок бўлган юртдошларимиз хотирасига, оловли жангчилардан омон қайтган ота-болаларимизга, оғир кунларни сабр-бардош билан енгган момоларимизга кўрсатилаётган эҳтиромнинг яна бир ёрқин ифодасидир. Мазкур фармонга мувофиқ уруш қатнашчилари ва ногиронларига пул мукофотлари ва байрам совғалари тантанали равишда топширилди. Уларнинг ҳолидан хабар олиниб, моддий ва маънавий ёрдам кўрсатилди.

9 май. Пойтахтимиздаги Хотира майдони ҳар қачонгидан гавжум. Бу ерга уруш ва меҳнат фахрийлари, сенаторлар ва депутатлар, ҳукумат аъзолари, ҳарбийлар, жамоатчилик вакиллари ташриф буюрди.

Майдон узра маҳзун мушиқа таралади.

Соат 9:00. Майдонга Ўзбе-

кистон Республикаси Президенти Ислоҳ Каримов кириб келди.

Давлатимиз раҳбари ҳарбий оркестр садолари остида Мотамсаро она ҳайкали пойига гулчамбар қўйди.

Президентимиз Иккинчи жаҳон урушида жон фидо қилган юртдошларимиз хотирасига ҳурмат бажо келтирди.

— Бугун барча ватандошларимиз, бугун халқимиз Хотира ва қадрлаш куни деб ном олган улуг айёмни, фашизм устидан қозонилган Ғалабанинг 69 йиллигини кенг нишонламоқда, — деди Ислоҳ Каримов оммавий ахборот воситалари вакиллари билан суҳбатда. — Шу кунларда барчамиз ўз инсоний бурчимизни адо этиб, бугунги тинч ҳаётимиз учун, мусаффо осмонимиз учун жанг майдонларида жон бериб урушдан қайтмаганларни эслаймиз, уларнинг арвоҳларини шод этиб, ўчмас хотираси олдида бош эгамиз.

Бугун орамизда соғ-саломат ҳаёт кечираётган, барчамиз учун азиз ва муҳтарам бўлган нуруний отахон ва онахонларимизга, урушда қатнашган мардларга, шу билан бирга, фронт ортида меҳнат қилиб, Ғалаба кунини яқинлаштиришга муносиб ҳисса қўшган юртдошларимизга чин қалбимдан ҳурматимни билдираман ва уларга ўз номидан, бугун халқимиз номидан бардамлик, узок умр, бахтли ҳаёт тилайман, деди давлатимиз раҳбари.

Ҳаётимизга, хонадонларимизга файз ва барака берадиган фахрийларимизнинг кўнглини кўтариш, уларнинг ҳаётини узайтиришга, умрини мазмунли қилишга қўлимиздан келганча ҳисса қўшиш, уларга ғамхўрлик ва меҳрибонлик кўрсатиш бизнинг инсоний бурчимиз эканини, бу ҳаёт ғанимат эканини унутмаслигимиз зарур, десам, барчанинг фикрини ифодалаган бўламан.

(Давоми 2-саҳифада)



Рустам Назарматов олган сурат

9-may — Xotira va qadrlash kuni

## ЮРТ ТИНЧ — КЎНГИЛ ХОТИРЖАМ

Навоий вилоятида Хотира ва қадрлаш куни муносабати билан «Нуруний» жамғармаси, «Маҳалла» хайрия жамоат фонди вилоят бўлимлари, «Камолот» ёшлар ижтимоий ҳаракати вилоят кенгаши ва қатор ташиқлотлар ҳамкорлигида маънавий-маърифий тадбирлар ўтказилмоқда.

Вилоятда истиқомат қиладиган 150 нафар уруш қатнашчиси, 2 минг 416 нафар фронт ортида хизмат қилганлар, 33 нафар 100 ёшдан ошган кексаларга Президентимиз фармонига мувофиқ пул мукофот-

лари, эсдалик совғалар топширилди.

Навбахор туманининг Қоражон қишлоғида яшовчи 90 ёшли Қаландар Қобулов мамлакатимизда кексалар ва фахрийларга кўрсатилаётган

этибордан мамнун. Кўп йиллик самарали меҳнатлари мустақиллик даврида қадр топди. У Президентимиз фармонига биноан «Ҳасорат» медали билан тақдирланди.

— Мана шундай дориломон кунларга етказганига шукур, — дейди Қаландар ота. — Юртимиз тинч, кўнглимиз хотиржам. Фарзандларимизнинг яйраб ўсиши учун барча ша-роитлар яратилган.

Н.РАҲИМОВ,  
ЎЗА муҳбири





# БАЙРАМЛАР УЛАНАР ЯХШИ КУНЛАРГА!

**Хоразм вилоятида «Биз — буюк юрт фарзандларимиз!» шиори остида ёшлар фестивали бўлиб ўтди**

**Карнай-сурнай ва «Хоразм лазгиси» садолари остида қарши олинган меҳмонлар воҳада олиб борилаётган бунёдкорлик, ободонлаштириш ишларини кўриб лол қолишди. Чунки бугунги Хоразм, унинг шаҳару қишлоқлари, жумладан, Урганч шаҳрининг қиёфаси тамомила ўзгача, замонавий ва миллийлик уйғунлигида тобора кўркам бўлиб бормоқда. Айниқса, вилоят марказидан оқиб ўтувчи Шовот каналининг ўнг ва сўл қирғоқларидаги бунёдкорлик ишларининг таърифи дoston.**

Мустақиллигимизнинг йигирма уч йиллиги муносабати билан ўтказилаётган мазкур фестиваль «Камолот» ёшлар ижтимоий ҳаракатининг энг йирик лойиҳаларидан. У ёшларни Ватан равнақи йўлида бирлаштириш, уларга мамлакатимизда олиб борилаётган ислохотларнинг мазмун-моҳиятини тушунтириш, ёшларга оид давлат сиёсати, шунингдек, истиқлол берган имкониятлар, ёшларнинг ҳуқуқий онги ва маънавий даражасини юксалтириш, миллий ва умуминсоний қадриятларга ҳурмат ҳиссини кучайтиришга қаратилган.

Ана шу мақсадда республика тарғибот гуруҳи аъзолари жойларда ўтказилган «Оммавий маданият ва ёшлар маънавияти», «Депутат ва ёшлар», «Сиз севган қаҳрамонлар», «Замонамиз қаҳрамонлари», «Одам савдосидан ёшларни асраш — куннинг долзарб масаласи», «Президент асарлари билимдони», «Иқтидор эгаси — обод юрт эртаси» каби лойиҳаларда қатнашиб, ёшлар билан юзмаюз мулоқотда бўлишди. Шунингдек, маҳаллий тарғибот гуруҳлари вакиллари — Зулфия номидаги Давлат мукофоти совриндорлари, «Ўзбекистон белгиси» кўкрак нишонни, турли номдор стипендиялар соҳиблари, Ҳаракатнинг турли танловларида голиб бўлган иқтидорли талабалар, ёш олимлар, ўқитувчи ва мураббийлар уч кун давом этган фестиваль доирасида ҳудудларда ижтимоий-сиёсий ва ҳуқуқий, маънавият ва маърифат, соғлом турмуш тарзи ва спорт йўналишларида тарғибот тадбирларини ўтказди.

## КУТИЛМАГАН УЧРАШУВ — ФЙДАЛИ МАСЛАҲАТЛАР

Болалигингизда ўзингиз ёқтирган шоир, ёзувчи, спортчи ёки санъаткор билан учрашганмисиз? Ҳаётингизда шундай воқеа юз берган бўлса, аминмизки, ўша учрашув ҳар бир дақиқасигача ёдингизда. Хивалик ёшлар ҳам фестиваль баҳонасида машҳурлар билан учрашишга, улар билан дилдан суҳбатлашишга муваффақ бўлишди.

Бундай учрашув Хива педагогика коллежида ташкил этилган «Оммавий маданият ва ёшлар маънавияти» лойиҳаси доирасида бўлиб ўтди. Унда Ўзбекистонда хизмат кўрсатган



гунги ўзбек фильмларининг савияси, тарбиявий аҳамияти ва долзарблигини оширишга алоҳида тўхталиб ўтилди. Ёшлар эса ўзларини қизиқтирган саволларга атрофлича жавоб олишди. Меҳмонлар саволларга жавоб қайтариш билан бирга, зарур маслаҳатларини ҳам бериб ўтишди. Тадбир якунида энг яхши савол йўллаган ёшлар санъаткорларнинг эътиборига сазовдорлиги билан тақдирланди.

— Биз чиндан ҳам буюк юрт

лари ҳақида кенг маълумот берилди.

— Юртимизда ёшлар учун кенг имкониятлар мавжуд. Фақат мана шу имкониятлардан фойдаланишни билмаётганлар, изланишни хоҳламаётганлар, тезда бойиб кетишни орзу қилаётганлар хорижда ишлашга интилмоқда. Афсуски, уларнинг чет элдаги қонун-қоидаларни билмаслиги, қолаверса, бирор бир корхона билан шартномаси йўқлиги сабаб турли қийинчиликларга дуч келишмоқда. Бунинг натижасида одам савдоси қурбонига айланишмоқда, — дейди Олий Мажлис Қонунчилик палатаси депутати Шухрат Деҳқонов.

«Биз буюк юрт фарзандларимиз!» шиори остидаги ёшлар фестивали дастурларидан ота-она меҳрига, дийдорига муҳтож ўғил-қизларга меҳр улашишдек хайрли ишлар ҳам ўрин олган. Хива туманидаги 20-меҳрибонлик уйида бўлиб ўтган «Ҳеч ким меҳр ва эътибордан четда қолмасин!» лойиҳаси кўнгли ўксик ёшларга унутилмас воқеаларни тухфа этди. Улар санъаткорлар билан учрашиб, куй-қўшиқларга рақсга тушишди. Уларнинг қувончини кузатган ҳар бир инсон дилдан яйради.

«Ёшлар ўртасида эрта никоҳ ва унинг салбий оқибатлари» лойиҳаси доирасида ўтказилган учрашувлар ҳам тенгдошларимизга кўп нарсани берди. Улар мутахассислардан фойдали маслаҳатлар олишди.

Соғлом турмуш тарзини танлаган спортсевар ёшлар учун Қўшқўпир, Янгиариқ, Урганч, Гурлан, Янгибозор, Боғот, Ҳазорасп туманларидаги стадионларда «Футбол-шоу»лар ташкил этилди. Олти минг нафардан ортиқ ёшни тўплаган Хонқа туманидаги футбол ўйингоҳида туман ёшларининг «Камолот» ҳамда эстрада юдузларидан иборат «Наво» жамоаси майдонга тушишди.

Қизиқarli ва хангомаларга бой бўлган мусобақани Ўзбекистонда хизмат кўрсатган артист Мирза Азизов шарҳлаб

борди. Дўстлик галаба қозongan ўйин санъаткорлар ижросидаги концерт дастурига улашиб кетди.

— Мамлакатимизда ёш авлод камолоти йўлида амалга оширилаётган кенг кўламли ишлар, ёшларга қаратилаётган улкан эътибор ва ғамхўрлик замирида буюк давлат барпо этишдек олижаноб мақсад мужассам. Ёшларни ана шу эзгу мақсад йўлида бирлаштиришда бундай фестивалларнинг ўрни катта. Бу ҳам тинчлик белгиси. Шундай экан, ҳар бир кунимизга шукрона айтиб яшайлик, — дейди Мирза Азизов.

## «ЁШЛАР КЎЛИ» ЁШЛАР ФАҲРИГА АЙЛАНДИ

Фестиваль давомида Урганч шаҳридаги «Ёшлар кўли»да сайл ўтказилди. Унда олий ва ўрта махсус таълим муассасалари, миллий маданият марказлари, фольклор жамоалари ҳамда ёш тадбиркорларнинг кўрғазмалари ва дастурлари намойиш этилди. Шунингдек, миллий халқ ўйинларимиздан — арқон тортиш, варрак учирш, чиллик ўйини, тош кўтариш, бек тош, оқ теракми-кўк терак ўйинлари, асфальтга расм чизиш, миллий таомлар кўрғазмаси ҳамда энг чиройли безаклар танлови бўлиб ўтди. Олий таълим муассасалари талабалари эса ўзлари тайёрлаган «Баҳорий» деб номланган миллий таомлар кўрғазмаси билан қатнашди. Сайлда «Ниҳол» мукофоти совриндорлари ҳамда Урганч санъат коллежи ўқувчиларидан иборат «Наврўз» жамоаси ижросидаги миллий куй-қўшиқлар ёшларга ҳақиқий байрам кайфиятини улашди. Урганч давлат университети жисмоний маданият факультети талабалари арқон тортиш мусобақасида биринчи ўринни эгаллади.

«Биз — буюк юрт фарзандларимиз!» шиори остида ўтказилган ёшлар фестивалининг якуний гала-концерти «Авесто» боғ мажмуасида таниқли эстрада хонандаларининг чиқишлари билан яқунланди.

**Рустам ЮСУПОВ,**  
«Turkiston» мухбири



артистлар — Боир Холмирзаев, Лола Элтоева ҳамда ёш санъаткорлар иштирок этди. Мазкур учрашув ҳар икки томон учун ҳам қизиқarli ўтди. Негаки, бугун ёшларда «оммавий маданият»га қарши курашувчанлик имунитетини ошириш муҳим аҳамиятга эга. Қолаверса, кинофильмлар ёшлар маънавиятига катта таъсир этувчи воситадир. Шу боис учрашувда бу-

фарзандларимиз. Бугун бунга яна бир бор ишонч ҳосил қилдим. Ёшлар фестивалида ўтган йили ҳам қатнашиб, муносиб тақдирлангандим. Бу йил ҳам фестивалда иштирок этаётганимдан хурсандман. «Оммавий маданият» ва ёшлар маънавияти» лойиҳаси барча тенгдошларимиз учун фойдали бўлди. Бу учрашув ҳеч қачон ёдимиздан чиқмайди. Чунки фақат телевизорда кўриб юрган инсонлар билан юзмаюз учрашиш бошқача. Уларнинг ҳар бир сўзи биз, ёшларга катта куч бағишлайди, — дейди Урганч маиший хизмат ва ахборот технологиялари касб-хунар коллежи ўқувчиси Нигора Худойберганова.

Фестиваль доирасида «Одам савдосидан ёшларни асраш — куннинг долзарб масаласи» лойиҳаси ташкил этилди. Лойиҳа доирасидаги тадбирлардан бири Боғот енгил-сановат касб-хунар коллежида бўлиб ўтди. Унда ёшларга одам савдоси ва унинг салбий оқибат-



# КЕЛАЖАК УНИВЕРСИТЕТИ — ИНХА

**Жорий йилдан бошлаб ўзбекистонлик талабалар Жанубий Кореянинг Инха университетидида ўқиш имконига эга бўладилар. Осиёнинг энг нуфузли таълим даргоҳларидан бири энди юртимизда ҳам ташкил этилмоқда. Бу ҳақда 2014 йил 24 мартда Президентимиз томонидан махсус қарор қабул қилинган эди. Тошкент шаҳридаги Инха университети 1 октябрда ўз фаолиятини бошлайди. Университетда халқаро мезонлар асосида ахборот-коммуникация технологиялари соҳаси учун юқори малакали кадрларни тайёрлаш кўзда тутилган.**

Инха халқаро университет мақомига эга. У дунёда энг яхши университетлар юзталигидан ўрин олган. Кореяда эса ахборот-коммуникация технологиялари соҳасига ихтисослашган илғор университетлар бешталиги ҳамда энг сара хусусий университетлар ўнталигига киради. Инха битирувчилари (жами 120 мингдан зиёд) жаҳондаги йирик компания ва корпорациялар, ишлаб чиқариш корхоналарида фаолият юритмоқда. Битирувчиларнинг ишга жойлашиши бўйича бу университет мамлакатда бешинчи ўринда туради.

Инха университети 1954 йилда Корея ҳукумати билан Инчхон шаҳри фуқароларининг фаол ҳамкорлиги натижасида ташкил топди. Бу жараёнда Жанубий Кореянинг биринчи президенти Ли Син Ман шахсан ташаббус кўрсатган. Инхнинг АҚШдаги Массачусетс технология институтини муқобилида бўлиши кўзда тутилган эди. Дастлаб у техника коллежи сифатида иш бошлаб, кейинчалик қатор соҳаларда кучли кадрлар етиштирувчи университетга айлантирилди.

Университет Инчхон шаҳрида жойлашган иккита ўқув мажмуа — Ёнхён ва Сондо кампусларидан иборат. Таълим муассасаси таркибидида йигирмата факультет, фаннинг турли тармоқларида тадқиқот олиб борувчи қирқдан зиёд илмий-тадқиқот институти, муассаса ва марказлар, муҳандислик, ахборот технологиялари, табиий ва гуманитар фанлар, бизнес бошқаруви, иқтисодиёт ва халқаро савдо, таълим, ҳуқуқ, тиббиёт, санъат ва спорт, инсон экологияси каби соҳаларга ихтисослашган ўн иккита коллеж мавжуд. Аини пайтда Инха университетидида 22 минг нафар талаба 59 йўналиш бўйича таълим олмақда. Таълимнинг магистратура, аспирантура ва докторантура босқичлари ҳам мавжуд.

Табиий фанлар ва техника соҳасида Инха Корея олий таълим муассасалари орасида юқори ўринни эгаллайди. Энергетик ресурсларни бошқариш, нефть объектларини қуриш, логистика каби замонавий йўналишларда кадрлар тайёрлаш борасида университет-

нинг жаҳондаги нуфузи, айниқса, каттадир. Унинг таркибидида халқаро савдо ва логистика институти ҳам фаолият кўрсатмоқда. Инхада, шунингдек, юриспруденция, иқтисодиёт, менежмент йўналишларида замонавий тенденцияларга мос таълим берилади. Кореядаги биринчи халқаро молия факультети ҳам шу университетда ташкил этилган. Университет таркибидида Юридик институтда интеллектуал мулк соҳасига ихтисослашган юқори малакали ҳуқуқшунослар, магистратура босқичида эса эркин савдо соҳасига доир келишувларни татиқ этиш бўйича мутахассислар тайёрланади.

Бундан ташқари, Инха университети санъат ва маданият соҳаларида ҳам етакчи бўлишга интиломоқда. Ҳозирга қадар таълим даргоҳида актёрлик маҳорати, дизайн, хореография, тасвирий санъат, мультипликация ва кино санъати йўналишлари очилган.

Инхадаги таълимнинг мохиятини ёшларга танлаган мутахассислиги бўйича чуқур билим бериш ҳамда илмий тад-



**Тошкент шаҳридаги Инха университетини тамомлаган битирувчиларга халқаро намунадаги диплом берилади. Мазкур диплом мамлакатимиз ҳудудида тан олинади.**

қиқотлар ташкил қилади. Университетда саккизта давлат аҳамиятига молик йирик илмий-тадқиқот марказини ўз ичига олувчи мураккаб инфратузилма шакллантирилган. Бундай тузилмага таянган ҳолда таълим даргоҳида илм-фаннинг долзарб муаммолари юзасидан мустақил, истиқболли тадқиқотлар олиб борилади. Шу орқали Инха таълим ҳамда ил-

мий-техник фаолиятдаги рақобатбардошлигини мунтазам ошириб бормоқда. Университет ниҳоятда бой илмий адабиётлар электрон кутубхонасига эга.

Аҳамиятлиси шундаки, Инха университетидида таълим тизими саноат тармоғи билан узвий боғлиқликда йўлга қўйилган.

**Инха университетидида барча дарслар фақат инглиз тилида ўтилади. Шунинг учун синов жараёнида абитуриентлар асосий фанлар — математика ва физикадан ёзма имтиҳондан ташқари, инглиз тилидан оғзаки имтиҳон топширишади. Инха университетидида хужжат топширувчи барча абитуриентлар Халқаро инглиз тили тест тизими — IELTS бўйича тилни 5 балл даражасида билишлари шарт.**

Кўплаб таълим йўналишлари бўйича кадрлар бевосита ишлаб чиқариш корхоналарининг талаблари асосида тайёрланади. Илмий-ишлаб чиқариш соҳасида Инха Кореядаги энг яхши университет деб тан олингани ҳам бежиз эмас.

Университет таркибига кирувчи дастлабки ўқув мажмуа

га эга Инха университетининг пойтахтимиздаги филиалида ҳам таълимнинг юқори сифати таъминланади. Бу ҳақда ўзбекистонлик журналистлар билан мулоқот чоғида университетнинг қабул комиссияси декани Ким Жунг Хо батафсил маълумот берди.

сий фанлар — математика ва физикадан ёзма имтиҳондан ташқари, инглиз тилидан оғзаки имтиҳон топширишади. Инха университетидида хужжат топширувчи барча абитуриентлар Халқаро инглиз тили тест тизими — IELTS бўйича тилни 5 балл даражасида билишлари шарт.

Математика ва физикадан имтиҳон шу йилнинг 6 июлида ўтказилади. Имтиҳонларни корейлик мутахассислар олиши маълум қилинган. Абитуриентлар берилган масалаларни 120 дақиқа ичида ечишлари керак. Жавоблар балли тизимда баҳоланади. Баҳонинг 60 фоизи математика, қолган қисми физикага ажратилган.

Дастлабки имтиҳондан муваффақиятли ўтган абитуриентлар 27 июлда бўлиб ўтадиган инглиз тилидан оғзаки суҳбатга киритилади.

Инха университетидида таълим жараёни айрим ўзига хос хусусиятлари билан ажралиб туради. Масалан, талаба ўқиш муддати давомида тўплаш керак бўлган балларни уч йилда тўплай олса, университетни муддатидан олдин тамомлаши ва қолган бир йил бошқа йўналишда тахсил олиши мумкин. Шунда у бирйўла иккита мутахассислик ва иккита дипломга эга бўлади. Дарвоқе, Тошкент шаҳридаги Инха университетини тамомлаган битирувчиларга халқаро намунадаги диплом берилади. Мазкур диплом мамлакатимиз ҳудудида тан олинади.

7 май куни Тошкентдаги Инха университетининг интернетдаги [www.iut.uz](http://www.iut.uz) расмий веб-сайтида абитуриентларни онлайн рўйхатдан ўтказиш бошланди. Бу амалиётни 20 июнга қадар бажариш мумкин. 6 июндан Турин политехника университети қошидаги академик лицей биносида абитуриентлардан хужжат қабул қилиш бошланади. Инха университетининг қабул комиссияси бу ерда 20 июнга қадар ўз ишини давом эттиради.

**Наргиза УМАРОВА,  
«Turkiston» мухбири**



# КИТОБДА КОИННОТ АКСИ КЎРИНАР...

**Оламда илмдан қудратлироқ куч йўқ. Буни асрлар оша ўз тажрибасидан ўтказиб келган халқимиз ўзининг кўндан-кўн мақолларида илмни ва илм эгаларини, ақлни ва ақл эгаларини юксак даражада мадҳ этган. Уларнинг ҳаётдаги ютуқларини кўрсатган. Илмсизлик, жоҳилликни қоралаб, буларнинг хунук оқибатларини тасвирлайди ва кишини илм олишга, бу йўлда учрайдиган ҳар қандай қийинчиликларга бардош беришга даъват этади: «Доно ҳар ерда ҳурматда, нодон ўз элида кулфатда», «Ўқимаган – яланг оёқ, баайни бир қуруқ таёқ», «Олтин ерда қолса ҳам, билимли ерда қолмас», «Учишга қанот керак, ўқишга – тоқат», «Билими бор ҳар балодан қутулар, билими йўқ минг балога тутилар», «Билмаган – айб эмас, билишга тиришмаган айб»... Эҳ-ҳе, буларнинг саногига етиш қийин.**

Илм олишнинг эрта-кечи йўқлиги ҳақидаги мақоллар ҳам бор. Аммо ёшлиқда олинган билим онгда бир умр муҳрланиб қолади. Мамлакатимизда амалга оширилаётган ёшларга оид сиёсат моҳиятида ҳам ёшларни юксак савияли, билимли этиб тарбиялаш мақсади ётибди.

Бугунги кунда ҳар бир таълим муассасасида ахборот-ресурс марказлари фаолият кўрсатмоқда. Айниқса, мактаб, коллежлардаги бундай масканлар ўқувчиларни янада ўзига чорламоқда. Албатта, муассаса маъмурияти томонидан уюштирилган турли ташаббуслар китобхонлик маданияти ривожига яхши таъсир кўрсатмоқда.

Жиззах вилоятидаги Фаллаорол ижтимоий иқтисодиёт коллежида яқинда хайрли ташаббус йўлга қўйилди. Коллеж раҳбари Икром Равшанов ўқувчилар ҳузурда ўз тақлифини айтганида, буни ёшлар бир овоздан қабул қилишди. Ташаббуснинг мазмуни шундан иборат эдики, ихтиёрий равишда ҳар бир ўқувчи коллеж кутубхонасига бир дондан китоб топширадиган бўлди. Китобни топширишдан олдин ўқувчи ўқиган асари ҳақида сабоқдошларига

сўзлаб бериши шарт. Асар воқеаларига ошно тутинган ҳар қандай ўқувчида «Мен ҳам бадий китоб ўқиб тенгдошларимга сўзлаб берсам-чи» деган мақсад уйғонмай қолмайди, албатта. Кўриб турибсизки, китобхонлик авж олади, бу анъанага айлана боради. Коллежда 842 нафар ўқувчи таҳсил олаётган бўлса, боринг, ана шуларнинг ярми биттадан китоб олиб келсин, коллежнинг АРМ фонди қарийб беш юзга яқин китоб билан бойийдими? Бойийди. Бу бир йилнинг ҳисоби. Энди бу фонднинг беш йилдан сўнг, ўн йилдан сўнгги ҳисобини олаверинг...Тўрт-беш минг китоб дегани бу.

Кимдир ўз уйида, кимдир тоға ёки холасининг уйида бир чеккада чанг босиб ётган (эйтибор кутаётган) китобдан бир донда олиб, ўқиса ва уни коллеж кутубхонасига тақдим қилса, бунинг ёмон жойи йўқ, бизнингча. Яна бир яхши ҳолат. Топширилган китобнинг ичида ўша ўқувчининг дастхати ва топширилган санаси ёзилган бўлса, қачондир ўша ўқувчининг укалари ёки яқин қариндошлари коллежга келиб ўқиса-ю, ўша китоб кўлига тушиб қолса, бу ҳам бир ҳавас, яхши таассурот уйғотади. «Мен ҳам янги китоб ўқиб,



дастхатимни ёзиб қўяман ва китобимни кутубхонага топшираман», деган эзгу ниятни дилига тугади у.

Кўлига китоб олган ёш борки, фақат бадий асар ўқиш билангина чегараланиб қолмайди. Энди у ўзи танлаган соҳага оид қизиқарли илмий китоблар ўқишга, олайлик, тил ўрганишга жазм қилиши ҳам мумкин. Ўзга тилда ёзилган китобларни ҳам ўқиш унга завқ бера бошлайди. Китобхонлик, мутолаа ўқувчини ана шундай эзгу ҳаракатларга чорлайверади. Шу боис бўлса керак, ушбу коллеж ўқувчиси Хилола Юсупова «Ёш китобхон» танловида тумандаги 11 та коллеж ўқувчилари орасидан фахрли ўринни эгаллади.

Фаллаорол ижтимоий иқтисодиёт коллежида амалга ошаётган бу яхши ташаббус ўқитувчилар жамоасини ҳам ҳаракатга келтирган. Ўқитувчилар ўз фанига оид яна қандай қўшимча адабиёт ўқиганлигини ўқувчилардан сўраб боради. АРМ фонди электрон каталог фани ўқитувчиси Нодира Сулаймонова кутубхона

ишини юритиш тўғрисидаги услубий қўлланмаси кириш қисмида бир донишманднинг куйидаги қанотли сўзларини киритиб қўйибди: «Яхши кутубхона коинотнинг китобдаги инъикосидир». Муаллиф бу билан китобда коинотнинг акси кўринади, демоқчи.

Коллеж ахборот-ресурс маркази ҳар доим гавжум. Марказ ўн мингга яқин китоб фондига эга. Ахборот-ресурс марказида турли давра суҳбатлари, шеърхонлик, китобхонлик тадбирлари бўлиб туради. Бу ерда тўпланган ёшларни кўрсангиз, ёруғ келажакдан умидвор нигоҳларга кўзингиз тушади.

Бу таълим масканида яна бир яхши анъана йўлга қўйилди. Катта танаффус вақтида коллеж биносининг ҳар бир қаватида, ошхонада қўшиқ янграб туради. Қанақа куй-қўшиқ дейсизми? Озодбек Назарбековнинг «Қалдирғоч», «Ватан», Севара Назархоннинг «Улуғимсан, Ватаним» ва бошқа машҳур ҳофизларимизнинг эл-юрт, Ватан ҳақидаги қўшиқлари... Бу ҳам ёшларимизни миллий

куй-қўшиқларимизни тинглашга, қадриятларимизни асрашга ундайди. Қанақа қўшиқлардан завқ олиш кераклигини онгига сингдиради. Бу янгилик ҳар бир дақиқани мазмунли ўтказиш кераклигини ҳам ўқувчига уқтиради. Шундай эмасми?!

Коллежда фаол ўқитувчилар кўп. Ёшларнинг қизиқишларини ҳисобга олиб, янги педагогик технологиялар асосида дарс машғулотлари ўтиш бўйича услубий қўлланмалар яратётган Дилфуза Муллабоева, Наргиза Санаева, Ҳожимурод Тўрабеков, Матлуба Исроилова, Дилором Норбекова каби ўқитувчилар бошқаларга ҳар томонлама ўрнак. Улар ўқувчиларда юқорида тилга олганимиз «коинотнинг акси» — китобга меҳр уйғотмоқдалар.

Яхши кутубхона, яхши ўқувчи, яхши ўқитувчи... Барчамизда яхши таассурот қолдирмайдими бу?! Ҳавас қиламиз, албатта. Бундан барчамиз ўрнак олсак арзийди.

**Шоди ОТАМУРОД,  
«Turkiston» мухбири**

2014-yil — Sog'lom bola yili

## ХИЗМАТ КЎРСАТУВЧИ

камчиликларни бартараф этди

— Мен ўтган йили ёз ойларида Қарши туманининг Патрон қишлоғида жойлашган устахонага темир дарвоза ясаттирдим, — деб ёзади Миришкор тумани, Гулистон қишлоғида яшовчи юртдошимиз Саъдулло Саманов Қашқадарё вилоят истеъмолчилар ҳуқуқларини ҳимоя қилиш жамиятлари ҳудудий бирлашмасига йўллаган мурожаатида. — Бироқ устахона ишчиси томонидан дарвоза сифатсиз тарзда ўрнатиб берилди. Мен эса келишилган маблағнинг бир қисмини камчиликларни тузатгач беришимни айтиб сақлаб қолдим. Орадан икки ой чамаси вақт ўтиб, шу устахонага эшик-ром ясаттирдим. Уста эса эшик-ромни ҳам сифатсиз ўрнатди. Дарвозадаги камчиликларни тузатишни пайсалга солди. Орадан ярим йилдан кўпроқ вақт ўтди ҳамки, эшик-дераза ва дарвоза-

даги камчиликлар тузатиб берилмади. Бундан икки ҳафта бурун дарвозани шамол ярқисиз ҳолга келтириб ташлади. Шундан кейин мен ҳар куни устага ўн марталаб телефон қилдим. У эса фақат ваъда беришдан чарчамади. Охири вақтларда кўнғироғимга ҳам жавоб бермай қўйди.

Шу ўринда эслатиб ўтиш жоизки, Ўзбекистон Республикаси «Истеъмолчиларнинг ҳуқуқларини ҳимоя қилиш тўғрисида»ги қонунининг 19-моддасида «Агар ижрочи шартнома шартларини иш (хизмат)ни ёмонлаштирган даражада жиддий бузган бўлса ёхуд ишда (хизматда) бошқа жиддий нуқсонларга йўл қўйган бўлса, истеъмолчи ўз хоҳишига кўра нуқсонлар бепул бартараф этилишини, бажарилган иш (кўрсатилган хизмат) баҳоси нуқсонларга муносиб равишда камайтирили-

шини, худди шундай сифатли шу хилдаги материалдан бошқа буюм бепул тайёрлаб берилишини ёинки шартнома бекор қилиниб, кўрилган зарар тўлиқ қопланишини талаб қилишга ҳақли» дея кўрсатилган.

С.Самановнинг мурожаати вилоят истеъмолчилар ҳуқуқларини ҳимоя қилиш жамиятлари ҳудудий бирлашмаси ходимлари томонидан ўрганилиши жараёнида қонуннинг ушбу талаблари устахона ходимларига тушунтирилди, хизмат кўрсатиш жараёнида йўл қўйилган камчиликлар бартараф этилди.

**Баҳром ЭШҚУВВАТОВ,  
Қашқадарё вилоят истеъмолчилар ҳуқуқларини ҳимоя қилиш жамиятлари ҳудудий бирлашмаси матбуот ва ахборот сектори бошлиғи**



— Юр, бирга-бирга ўйнаймиз!



Рустам Назарматов олган сурат

## Уч авлод вакиллари учрашишди

«Камолот» ЁИХ «Ўзметкомбинат» ОАЖ бошланғич ташкилоти комбинат касабаси уюшмаси қўмитаси ҳамкорлигида Хотира ва кадрлаш кунига бағишлаб «Уч авлод учрашуви»ни ташкил этди.

Бекобод шаҳридаги «Металлургия» маданият саройида бўлиб ўтган тадбирда уруш ва меҳнат фахрийлари, корхонада кўп йиллар фаолият кўрсатган нуронийлар, илғор металлургия ва ёш мутахассислар қатнашди.

Учрашув иштирокчиларини комбинат касабаси уюшмаси қўмитаси раиси И.Қурбонов, Электрда пўлат эри-

тиш цехи пўлат эритувчиси, Ўзбекистон Қаҳрамони О.Тўйчиев, ёшлар номидан муҳандислик маркази бўлим бошлиғи Б.Рустамов байрам билан қутлашди.

Тадбир давомида фахрийларнинг уруш йилларидаги матонатли меҳнати тўғрисида тайёрланган фильм ҳамда маданият саройининг бадиий жамоалари тайёрлаган мусиқий дастур намойиш этилди. Фахрийлар ёшларга ўз хотираларидан сўзлаб беришди.

«Уч авлод учрашуви»га таклиф этилган барча меҳмонларга ташкилотчилар томонидан эсдалик совғалар топширилди.

**Бекзод КОДИРОВ,**  
«Камолот» ЁИХ «Ўзметкомбинат» ОАЖ бошланғич ташкилоти етакчиси

## Фахрийлар ҳузурда

Хотира ва кадрлаш кунини муносабати билан Қибрай туманидаги «Оталар чойхонаси»да «Уч авлод» учрашуви бўлиб ўтди.

«Нуроний» жамғармаси, «Камолот» ёшлар ижтимоий ҳаракати ҳамда Республика Маънавият тарғибот маркази ҳамкорлигида ўтказилган мазкур учрашувда Ўзбекистон халқ шоири Маҳмуд Тоир, Ўзбекистон халқ артистлари Ёқуб Аҳмедов, Ёдгор Саъдиев ҳамда Ўзбекистонда хизмат кўрсатган артист Фат-

хулла Маъсудов ва бир гуруҳ ёшлар иштирок этди.

Учрашувда ёшлар қалбида Ватанга муҳаббат, фахр ва ифтихор туйғусини шакллантириш, ота-боболаримизнинг эзгу ғояларини ёш авлод қалбига синдириш, тарихимизни чуқур англаб етишлари ҳақида юз юритилди.

Тадбирда нуронийлар ёшларга ўз ҳаёт йўллари ҳақида гапириб беришди.

**Дилдора ОРИПОВА**

## Ҳамшиа эъзоздасиз

Тошкент давлат иқтисодиёт университетида 9 май — Хотира ва кадрлаш кунига бағишлаб, «Инсон қадрини — улуг, хотирасини — абадий» шiori остида байрам тадбири бўлиб ўтди.

Тадбир доирасида Иккинчи жаҳон уруши ва фронт ортида ҳамда университетда кўп йиллар меҳнат қилган фахрийлар ҳолидан хабар олиниб, ҳурмат-

эҳтиром кўрсатилди.

Шундан сўнг, фахрийлар, меҳмонлар, университет раҳбарияти, ёши улуг профессор-ўқитувчилар, мударрали ҳарбий хизматни ўтаб келган талаба-ёшлар байрам дастурхонига таклиф этилди.

Фахрийларга совғалар топширилди.

**Азизбек ОМОНОВ**

## ХОТИРА

■ Nurlı tuyg'ular ■

Олис юлдуз шуъласи,  
Етиб бўлмас йироғим.  
Менинг сокин кулбамда  
Ёниб турган чироғим.  
Хотира, сен — раҳматли  
Менинг ота-онамсан.  
Ўзувиллаган юрагим —  
Ичи бўм-бўш хонамсан.

Тандирдаги сўнган чўғ,  
Ўчиб қолган оловим.  
Бир тишланган қаттиқ нон,  
Сузилмаган паловим.  
Дилдан кўчган битиклар  
Дилдан асло ўчмайди,  
Ўтмишини ёд этган  
Ўзлигидан кечмайди.

**Ашурали БОЙМУРОД**

				...- астар		Кўзой-накли илон				Пардоз-... оро	Тўрт томон суваги ер
				Ўлка, юрт		Майизли пиширик		Зал, йўлак		Гўзал, дилбар	...- сира (гоҳо)
				Миллий мато		Тропик қовун					
								Темир йўл махсус бекати		Заб бериш	
				Термин		Кийим текис-лагич		Она юрт			
Бозор катори	Оби ҳаёт		Кўнги, юрак			Туркман-нистон пул бирлиги		Дарвеш ҳассаси			
				Натрий хлорид							
Денгиз ийртқичи, наҳанг	Жусса, қад	Дастхат, «қўл»				Япония-даги вулқон					
				Тил, забон							

## ЗУККО МУХЛИСГА САВОЛ:

«Унинг онаси Ойшабегим маърифатли аёл бўлган. Ўзининг оилавий силсиласига кўра Бобур наслига мансуб бўлиб, шоиранинг ота-онаси ҳам даврнинг эътиборли кишилари эдилар».

Айтинг-чи, ушбу парчада қайси ўзбек шоираси ҳақида сўз борапти?

Жавобингизни 13 май соат 16.00 га қадар 233-79-69, 233-95-97 рақамларига кўнгирак қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: **Будапешт.** Наманган шаҳридан Абдумажид Жабборов, Қорақалпоғистондан Ринат Айтмуродов, Зангиота туманидан Бобур Раҳимов тўғри жавоб йўллашди.

## YONDAFTARCHANGIZGA

Кимки бир кўнгли бузўғнинг хотирин шод айлағай, Онча борким, Каъба вайрон бўлса обод айлағай.

**Алишер Навоий**